

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst («Službene novine Zeničko-dobojskog kantona», broj 7/10) i člana 18. Zakona o koncesijama-Prečišćeni tekst („Službene novine Zeničko-dobojskog kantona“, broj 5/03), Vlada Zeničko-dobojskog kantona, na prijedlog Ministarstva za privredu, na nastavku 96. sjednice, održanom 24.01.2013. godine, d o n o s i

ODLUKU

o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija

Član 1.

(Predmet)

Kontinuirana naknada za koncesije, koja je rezultat godišnje eksploatisanih količina mineralnih resursa i jednokratna naknada za koncesije (u daljem tekstu naknade), koje plaćaju privredna društva - koncesionari, predstavljaju prihod Zeničko-dobojskog kantona i općine na čijoj teritoriji se obavlja djelatnost.

Član 2.

(Raspodjela sredstava)

(1) Naknade za predmete koncesije iz člana 2. stav 1. tačke (1), (2), (3), (4), (6), (7) i (8) Zakona o koncesijama Zeničko-dobojskog kantona, koncesionari su dužni uplaćivati na račun Kantona koji će vršiti raspodjelu sredstava u omjeru: 70% općini na čijoj teritoriji se obavlja koncesiona djelatnost i 30% Kantonu.

(2) Naknade za predmete koncesije iz člana 2. stav 1. tačke (5), (9), (10), (11), (12) i (13). Zakona o koncesijama Zeničko-dobojskog kantona su 100% prihodi općine gdje se obavlja koncesiona djelatnost.

Član 3.

(Potrošnja sredstava)

(1) Sredstva oprihodovana na način iz člana 2. ove odluke, općine mogu trošiti shodno važećim propisima.

(2) O programima realiziranim iz sredstava koje općine dobiju od Kantona kao i visini uloženi sredstava, općinska vijeća su dužna jednom godišnje informisati resorno ministarstvo

Član 4.

(Nadzor)

Nadzor nad utrošenim sredstvima vrše nadležna ministarstva Zeničko-dobojskog kantona putem komisija i Ministarstvo finansija Zeničko-dobojskog kantona, svako u okviru svoje nadležnosti.

Član 5.

(Izvještavanje Skupštine Kantona)

O programima realiziranim iz sredstava oprihodovanih koncesionom djelatnošću najmanje jednom godišnje mora biti upoznata Skupština Kantona putem informacija nadležnih ministarstava

Član 6.
(Realizacija Odluke)

Za realizaciju ove odluke zadužuju se nadležna ministarstva Zeničko-dobojskog kantona, svako u okviru svoje nadležnosti.

Član 7.
(Primjena)

Ova odluka se primjenjuje i na naplaćene naknade u 2012. godini.

Član 8.
(Prestanak važnosti)

Danom stupanja na snagu ove odluke prestaje važiti Odluka o načinu rasporeda i korištenja finansijskih sredstava prikupljenih po osnovu naknade od koncesija Vlade Zeničko-dobojskog kantona, broj: 02-14-27967/09 od 28.10.2009. godine.

Član 9.
(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 02-_____ /13.

Datum, 24.01.2013. godine

Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za privredu,

1x Ministarstvo za poljoprivredu, vodoprivredu i šumarstvo,

1x Ministarstvo finansija,

1x Ministarstvo za prostorno uređenje, promet i komunikacije i zaštitu okoline,

1x Općine Zeničko-dobojskog kantona, putem ministarstva,

1x „Službene novine Zeničko-dobojskog kantona“,

1x a/a